

सुट्टियँ माय नानँ सोरँई
परमेसर रे वसन
हिकाड़वा री किताब

इस्तर-4

सुट्टियाँ माय नानँ सोरँई परमेसर रे वसन हिकाडवा री किताब: इस्तर-4
(Vacation Bible School in Wagri Language: Level-4)

सपाडवा रो वर - 2015
सापयी थकी किताब री गणती - 300

© राजस्थान इनिशिएटिव

अणहूँ त्यार:
राजस्थान इनिशिएटिव

टाईप सेटींग:
मुकेश मीणा, बिजु देवासिया

परकासण:

Rajasthan Initiative

राजस्थान इनिशिएटिव

फ्लेट न-1, प्लोट न-9, 10

आर. के. पुरम, गिरजा व्यास पेट्रोल पम्प के पास,

तितरडी, उदयपुर, राजस्थान-313001

+91-9929734585, +91-9929428530

wagri@rajasthaninitiative.org

बे वात

परमेसर री दयाहूँ अमय वागड रा इलाका माय मसी मण्डली हाती मळीन भणार्ई रा सेत्र माय परमेसर री मईमा हारू अलग-अलग प्रागँ माय सेवा करवा रो मोको मळयो हे। ये किताब विसवासी सोरँई ध्यान माय राकीन वणरे उमर रे इसाबहूँ स्यार प्राग माय तेयार किदी हे। ये किताब अणा सवाल रो जवाब आलवा री कोसीस करे हे के, परमेसर ईसु मसी कूण हे। नी अणी किताब माय ज्ये काणी हीं वे सब बाइबल री काणी हीं। ये किताब आपडे मण्डली रँ सोरँई परमेसर रे वसन माय आगे बडवा हारू नी विसवास माय काटँ थावा हारू मदद करे हे। के नानँ सोरँई वणरे नानपण मायहूस परमेसर रे परेम नी डर माय बढी सकीं अणा हारू अमारे एक कोसीस हे।

कलिसिया आधारित साक्षरता समूह

राजस्थान इनिशिएटिव

अनुक्रमणिका

खास विसे

ईसुजी कूण हे ?

इस्तर-1

पाट-1 ईसुजी तारण करवा वाळो हे।

पाट-2 ईसुजी सोरँई परेम करवा वाळो हे।

इस्तर-2

पाट-1 ईसुजी तारण करवा वाळो हे।

पाट-2 ईसुजी अन्तरयामी हे।

इस्तर-3

पाट-1 ईसुजी सबहूँ तागतवर हे।

पाट-2 ईसुजी मोत माते जितीग्यो हे।

इस्तर-4

पाट-1 ईसुजी पाप माप करवा वाळो हे।

पाट-2 ईसुजी पासो आवणा वाळो हे।

पाठ-1

ईसुजी कूण हे?

ईसुजी पाप माप करवा वाळो हे।

काणी



लूका 15:11-32

एक फेरो एक बाप रे बे सोरा हा। मोटो बेटो काम वाळो हो पण सोटो बापरे वात नी मान्तो हो। वणे एक दाडो बापाहूँ लडाई करीन वणारे बापोती रो प्राग मांगीन ले लीदो। वी थोडूँक दाडूँ केडा तिजा देस माय जाईन बापोतिरो धन एस माय, नी खराब काम नी हरा माय खरस करी दिदूँ। नी जेरूँ वणा कनी पईसा मटीग्या नी वणा देस माय अकाळ पडीग्यो ते वणारे हात वाळा सोडीन पराग्या। नी वणा कनी खावा हारु जे नी रेयु।



ते वी भडुरूँ रे वाडा माय काम करतो हो। नी वटेस रेतो नी ज्यो भडुरूँ खातूँ वोस वणाए जे खावु पडतू। ते वणी एक दाडो विसार किदो के मारे बापरे घरी माय ते नोकर जे मोहूँ बडीया खावु खई हीं। नी मूँ अटे पुखी मरु हूँ, पसे वी पसतावे लागो नी केवा लागो के मूँ पासो मारे बापरे

घरी जाहूँ। नी मारे गळती मानीन मापी माँगहूँ। वी ईम वीसार करीन एक दाडो वटेहूँ वणारे बापरे घरी आयो नी बापाहूँ मापी माँगीन केयूके मीते तमारे नी हरग रा परमेसर रे हामे पाप किदो हे। मोये माप करो। ते यो हाम्बलीन वणारे बापो वणाए गले मळियो नी माप करीन नवँ लबरँ पेरायँ नी घरी माय लेग्यो नी केवे लागो के आवो आणँद मनावो “किमके के मारे ई बेटो मरीग्यो हो नी एवँ पासो जिवीग्यो हे खोवाईग्यो हो नी एवँ मळीग्यो हे” नी वे आणँद करवे लागँ।

हिकवा हरकी वात



- आपँई आपणे मोटँ मनकँ रे वात मानवी हे।
- आपँई आपणे गळती मानवी हे।

उत्तर लिको:-

सवाल: 1 घेरहूँ नाटो थको बेटो बापरे घरी पासो किम आवीग्यो?



उत्तर:
.....
.....

सवाल: 2 नानँ सोरँ मोटँ मनकँ रे वात नी मानी ते कई थाये?

उत्तर:
.....
.....

याद करवा हारु



“किमके मारे यो बेटो मरीग्यो हो, पासो जिवीग्यो हे, खोवाईग्यो हो, एवँ मळीग्यो हे। नी वे आणन्द करवे लागँ”।

लूका - 15:24

परातना



करवा हारु काम

अणी काणी रो नाटक करो...

रंग प्ररो



पाठ-2

ईसुजी कूण हे?

ईसुजी पासो आवणा वाळो हे।

काणी



मत्ती 26:64-66, 28:1-7,

प्रेरित के काम 1:7-11,

थिस्सलुनीकियों 4:13-18

या वात ईम थायी के ईसुजी ज्ये इस्राएल देस माय रेता हा वणरे वात नी काम गजबरँ हँ। ईसुजी घण बिमार हाउ किदँ, भुतहुँ भराणा थका मनकँई सोडावियँ, नी वणरे एक सेलो हो जणी वणहूँ तोको कीदो, नी वणाहूँ रीहँ बळवा वाळँ मनकँ हाती मळीन सपाईयँ रे आत माय हवाडी दिदो। नी सपाई वणाए खुब कोडा वाया नी काटँ रो मुगट पेरायो । पसे वे ईसुजिई यरुसलेम नाम गाम माहूँ बाण्णे काडीन एक मंगरा माते जणारु नाम गोलगोता हे, लेजाईन आतँ पगँ माय खीला ठोकी दिदा नी करुस माते सोडी दिदा। नी ईम ईसुजी परमेसर रे मरजी रे ईसाबहूँ पापी मनकँ रे आतँहूँ मार खाईन मरीग्या।



ईसुजी मरवा पेले केयूके मूँ पासो जीवतो थाहूँ, ते वणरे केवारे ईसाबहूँ वे मरया केडा तीसरे दाड़े पासो जीवता थाईग्या, नी वणरे सेलँ हाति साळीस दाडा रेया। नी हेत्तँ सेलँ रे हामे हरगमाय वादळँ माते सडीन पराग्या, नी देको “बे हरगदूत वण कनी आवीन केयूके यो ईसुजी ज्यो तम हामे वादळँ माते सडीन ग्यो हे वी ईमूस पासो आवतँ थका देकहो। नी ज्यो मनक वणारे वात मानही जेराँ वी पासो आवहीं ते वणाए हाती लेन जाहीं”।

हिकवा हरकी वात



- ईसुजी मारे पापँ हारू मरीग्यो।
- ईसुजी मोत माते जितिग्यो हे।
- ईसुजी जट पासो आवणा वाळो हे।

उत्तर लिको:-



सवाल: 1 ईसुजीई करूस माते हँई सोड्या नी वणरे नामी कई दोस लगाडयो हो?

उत्तर:

.....

.....

सवाल: 2 ईसुजी पासा आवणा पेले आपँई किम तेयार थावू हे?

उत्तर:

.....

.....

याद करवा हारु



“ईम थावुस हे के मनक रो बेटो पापीयँ रे आतँ माय हवाहीं,
नी वे करूस माते सड़ावहीं नी वी तीसरे दाडे जिवी उटहीं”।

लूका 24:7

परातना



करवा हारु काम

अणी काणी रो नाटक करो...

रंग प्ररो



वागड़ी गीत

1

कतरा महान ईसु कतरा महान-2
मारे ईसु सबहूँ महान

1. डुँजाए वळग्युँ पाणी वळग्युँ
थोब थोब थोब (कतरा महान)
2. पाणी माते हींडे तेबी नी डूबीं
हा हा हा (कतरा महान)

2

नाने मोटे सोरे आवो सालो
वाला ईसु जी हूँ वात करँ
मळीन सालँ मळीन सालँ
वाला ईसु जी हूँ वात करँ

1. नाना वाला ईसु केरँ नी लडाणा
आपँजे कणाहूँ केरँ नी लडाहाँ
मळीन नी सालँ मळीन नी सालँ
2. लाड करीनी हादें हीं ईसु जी
डाकतँ नी गावतँ आपँ सालँ
मळीन नी सालँ मळीन नी सालँ

3

1. देको-2 नवो तारो उगो उगमणो
कई के हे सोरे ?
कई के हे ?
केहे के ईसु राजा जन्मीयो भागळ मा।

2. सालो-2 करी आवँ दरसण ईसु रे-2
खटे सालँ सोरे?
खटे सालँ ?
सालो जाईन भागळमां दरसण करी आवँ-2

4

ठावी लीदो-2

ईसु जी मोये ठावी लीदो-2

ला ला ला ला

1. भुतँ रे काममाय डूबीयो थको हो
भुतँ रे काम माय फसीयो थको हो-2
ला ला ला ला
2. दनिया रा पापँ माय खोवाणो थको हो
दनिया री वातँ माय डूबीयो थको हो-2
ला ला ला ला

5

ईसु राजा आया अमर जीवन लाया

मो हारु जीवया मो हारु मरीया -2

ताक धीना धीन धीनधीन ताक -4

1. आपँ सोरँ आवँ जोर हुँ गावँ
एवां ईसु जीवता हीं हालेलुयाह
ताक धीना
2. कणी वात री नी बी,कई सीन्ता नी परवा
हरगदेस जाईन नी ईसु जी मळहँ
ताक धीना - 4

बाइबल रा सवाल

1. बाइबल माय कतरी किताब हीं?
2. पुराना नियम माय कतरी किताब हीं?
3. नवा नियम माय कतरी किताब हीं?
4. पेला मनक रू कई नाम हूँ? जणाए परमेसर बणायूँ।
5. नूह कहाँ आदमी हो?
6. परमेसर कतराँ दाड़ा तक धरती माते वरका वरायी?
7. अबराम रे सोरा रू कई नाम हूँ?
8. याकुब रे कतराँ सोरा हा?
9. परमेसर बाप इसरायली मनकई कई खावा हारूँ आल्यू?
10. इसरायेल रो दुसरो राजो कूण हो?
11. ईसू जी रू जनम खटे थायु हूँ?
12. ईसू जी रे कतरा सेला हा?
13. ईसूजी रे आई रे कई नाम हूँ?
14. ईसूजी धरती माते कतराँ वर तक रेया?
15. ईसूजी कतराँ दाड़ बाद जिवता थाया?
16. कणी सेले ईसूजी हारू 3 फेराँ केयूके मूँ नी ओळकूँ?
17. बाइबल माय 13 किताब कणी लिक्यी?
18. ईसूजीई कणे सेले हवाडिया?
19. 'ईसू' सबद रू कई मतळब हे?
20. बाइबलरी सबहूँ आकरी किताब क्या हे?

जबाव

1. 66
2. 39
3. 27
4. आदम
5. धरमी
6. 40 दाड़ौं
7. ईसाक
8. 12 सोराँ
9. मन्ना नी बटेरियँ
10. दाऊद
11. बेतलेम
12. 12 सेलाँ
13. मरियम
14. हाड़ा तेतीस वर
15. दीतवार (इतवार)
16. पतरस
17. पौलूस
18. यहुदा इस्करोति
19. तारणहारो
20. प्रकासित वाक्य